



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1521410

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

8 հունվարի 2024թ.

Բ. Երևան
(կազմման վայրը)

Ակտի հասցեատեր

Ֆիզիկական անձ Ռոման Հրաչի Ստեփանյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

ՀՀ, ք. Երևան, Նուբարաշեն, Նուբարաշեն 7 փող.

Անձ. AU0359920, ՀՇՀ՝ 3926010070,

(անհատ ձեռնարկատիրոջ հաշվառման հասցեն կամ իրավաբանական անձի գրավելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 19.10.2023թ. թիվ 1521410 որոշման հիման վրա ֆիզիկական անձ Ռոման Հրաչի Ստեփանյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ Ֆ/Ա Ռոման Ստեփանյանը 2023-ից Ինստագրամ սոցիալական ցանցում «Dream home» կայք էջի միջոցով իրականացրել է կանացի պայուսակների և հազուստի վաճառք: «Dream home» Ինստագրամյան էջում տեղադրել է տարբեր ապրանքների լուսանկարներ և դրանց անժեքները: «Dream home» էջի օգտատեր Ֆ/Ա Ռոման Ստեփանյանը Ինստագրամյան օգտատերերից ստանալով տարբեր ապրանքների պատվերներ առաքել է ՀՀ Երևան քաղաքում՝ օգտատերերի կողմից նշված հասցեներում: ՕՀ միջոցառումների շրջանակներում սույն թվականի դեկտեմբերի 18-ին գնման նպատակով, նամակագրության միջոցով «Dream home» Ինստագրամյան օգտատերից պատվիրվել է հավաքածու «Վիսկի գրաֆին 2 բաժակով» 26.000 ՀՀ դրամ արժեքով:

Ըստ պայմանավորվածության, ՀՀ ք. Երևան, դեղատան 3 հասցեում 18.12.2023թ-ին ժամը 16:30-ի սահմաններում Ֆ/Ա Ռոման Ստեփանյանի կողմից առաքվել է պատվիրված ապրանքը, որի դիմաց ՀՕՀ աշխատակցի կողմից վճարվել է 26.000 ՀՀ դրամը կանխիկ և Ֆ/Ա Ռոման Ստեփանյանի կողմից գնված ապրանքի վերաբերյալ վճարման փաստը հաստատող հաշվարկային փաստաթուղթ չի տրամադրվել:

Իրականացված ՕՀ-ի շրջանակներում Ֆ/Ա Ռոման Ստեփանյանի 18.12.2023թ-ի գրավոր հայտարարությամբ հաստատել է վերոգրյալը և հայտնել է, որ շուրջ 6 ամիս

տոնավաճառներից ձեռք է բերել տարբեր տեսակի ապրանքներ որոնք վերավաճառել է հնստագրամյան էջի միջոցով, որի արդյունքում առանց պետական գրանցման և հարկային մարմնում հաշվառման ապօրինի ձեռնարկատիրական եկամուտը կազմել է 350.000 ՀՀ դրամ:

Թիվ 1521410 արձանագրությամբ 18.12.2023թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 08.01.2024թ. նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Ֆ/Ա Ռոման Ստեփանյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 350.000 ՀՀ դրամ, որի 50%-ը կազմում է 175.000 ՀՀ դրամ, ուստի օրենսդրական պահանջից ելնելով Ֆ/Ա Ռոման Ստեփանյանի նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և Ֆ/Ա Ռոման Ստեփանյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք	200.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երկու օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Ֆ/Ա Ռոման Ստեփանյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով)՝ իրավաբանական անձի գործադիր
մարմնի ղեկավար (գրադրության ընդունման համար
պատասխանատու անձ՝ հաշվով առաքման դեպքում)



ստորագրությունը

ընդամենը 3 էջ

2024թ.

ստորագրությունը

(նշում ակտը ստորագրելուց և (կամ) ստանալուց հրաժարվելու մասին)

ԾԱՆՈԹՈՒԹՅՈՒՆ. Սույն վարչական ակտով առաջադրված հարկային պարտավորությունները վճարելու համար անհրաժեշտ է ստանալ հարկ վճարողի հաշվառման համար (ՀՎՀՀ):